



ՀԱՅՈՑ ՀԱՅՐԱՊԵՏԻ ՏԱՍՆՄԵԿԵՐՈՐԴ ՈՒՂԵՎՈՐՈՒԹՅՈՒՆԸ ԱՐՏԱՍԱՀՄԱՆ


Հայոց Հայրապետը Իր արտասահմանյան տասնմեկերորդ ուղևորության ընթացքում, սույն թվականի հունիսի 9-ից մինչև հունիսի 27-ը, հովվապետական այցելությամբ եղավ Լոնդոնում և ժընևում՝ անձամբ տանելով Մայր Աթոռ ս. Էջմիածնի, Իր Սրբության օրհնությունները, մանավանդ անգլիաճառ և շվեյցարաճառ հավատացյալ ժողովրդին:

Անգլիա կատարած Իր ուղևորության ժամանակ Հայոց Հայրապետին ուղեկցում էին Մայր Աթոռի դիվանապետ տ. Արսեն եպս. Բերբերյանը և Նոր Նախիջևանի ու Ռուսաստանի թեմի հայոց առաջնորդական տեղապահ տ. Տիրան վրդ. Կյուրեղյանը:

ԺԱՄԱՆՈՒՄ ԼՈՆԴՈՆ

Հունիսի 9-ին Հայոց Հայրապետը Լոնդոնի հայոց հոգևոր առաջնորդ տ. Ներսես եպիսկոպոսի և Լոնդոնի հայոց ս. Սարգիս և ս. Պետրոս եկեղեցիների համայնքային վարչությանց հրավերով ժամանեց Լոնդոն:

Օրանավակայանում Հայոց Հայրապետին ջերմորեն դիմավորեցին Լոնդոնի հայ եկեղեցական և աշխարհական պաշտոնական անձնավորություններ՝ գլխավորությամբ Լոնդոնի հայոց հոգևոր առաջնորդ տ. Ներսես եպս. Պոզապայանի, Մայր Աթոռի միաբան տ. Պսակ արքեպ. Թումայանը, հանուն Քեմթրբերիի արքեպիսկոպոսի՝ արքեպիսկոպոսարանի արտաքին հարաբերությունների վարիչ հայր. Մայքլ Մուրը, հանուն Լոնդոնի եպիսկոպոս Ջերալդ Էլիսոնի՝ Քեմնեթ Հաուել եպիսկոպոսը, և Անգլիայում Սովետական Միության դեսպանության առաջին քարտուղար Լեոնիդ Նիկերեմկոն:



Ողջույնի և բարիգալստյան խոսքերի փոխանակումից հետո Հայոց Հայրապետը առաջնորդվեց օդանավակայանի պատվավոր հյուրերի դահլիճ, ուր Նորին Սրբությանը դիմավորեցին և բարի գալուստ մաղթեցին տ. Վիգեն, տ. Պսակ վարդապետները և լոգոնահայ համայնքի զանազան ազգային միությունների և կազմակերպությունների ներկայացուցիչներ:



Հայոց Հայրապետը և Քեմբրիջի արքեպիսկոպոսը. կողքին՝ տ. Արսեն եպս. Բերբերյանը

Այնուհետև Հայոց Հայրապետը առաջնորդվեց Լոնդոնի հայոց ս. Սարգիս եկեղեցի, ուր մուտք գործեց «Հրաշափառ»-ով: Եկեղեցու շրջափակում և տաճարում հավաքված անգլիաճառ հավատացյալների հոծ բազմությունը ջերմորեն ողջունեց Հայոց Հայրապետին:

Եկեղեցական արարողությունից հետո Հայոց Հայրապետը Իր ողջույնը և օրհնությունները բաշխեց բոլոր ներկաներին՝ գոհություն մատուցելով նաև Աստծուն, որ կրկին անգամ թանկագին պատեհությունը շնորհեց իրեն՝ այցելելու Մեծ Բրիտանիա՝ լոնդոնահայ Իր հոգևոր գավակներին բերելու համար ս. Էջմիածնի օրհնությունը և մայր հայրենիքի շունչն ու բույրը:

Հանուն լոնդոնահայության Վեհափառ Հայրապետին բարի գալուստ մաղթեց Լոնդոնի հայոց հոգևոր առաջնորդ տ. Ներսես եպս. Պոզապալյանը՝ խորին շնորհակալություն հայտնելով Նորին Սրբությանը՝ լոնդոնահայությանը կրկին տված Իր օրհնաբեր այցելության համար:

Այնուհետև Լոնդոնի ս. Սարգիս եկեղեցու հովվատանը գաղութի բոլոր ներկայացուցիչները հանդիպում ունեցան Հայոց Հայրապետի հետ և աջակցություն ստացան նաև Նրա օրհնությունը:

ԱՅՑԵԼՈՒԹՅՈՒՆ ԼԱՄԲԵԹ ՊԱԼԱՏ

Հայոց Հայրապետի Լոնդոնում գտնված օրերին Նորին Սրբությունը հունիսի 10-ին, շաբաթ օրը, հյուրը եղավ Քեմթրքերիի արքեպիսկոպոս Նորին Ամենապատվություն դոկտ. Ֆրեդերիկ Դոնալդ Կոգանի, Լամբեթ պալատում:

Արքեպիսկոպոսարանի շքամուտքի առաջ Հայոց Հայրապետին դիմավորեց և ողջունեց դոկտ. Ֆրեդերիկ Դոնալդ արքեպիսկոպոսը՝ շրջապատված անգլիկան եկեղեցու բարձրաստիճան հոգևորականներով:



Հայոց Հայրապետը և Քեմթրքերիի արքեպիսկոպոսը Լամբեթ պալատի առաջ

Ընդունելության դահլիճում երկու հոգևոր պետերի և մրանց շքախմբի անդամների միջև տեղի ունեցավ արտագին և մտերիմ խոսակցություն:

Քեմթրքերիի արքեպիսկոպոսը, ի պատիվ Հայոց Հայրապետի, տվեց ճաշկերույթ, որին ներկա եղան տ. Պաակ, տ. Ներսես, տ. Արսեն սրբազանները, տ. Տիրան վարդապետը, պրն. Գևորգ Քյուրքճյանը, Քեմթրքերիի արքեպիսկոպոսի հարգելի տիկինը, Քենզինգթոնի Ռոնալդ Գուդչայլդ եպիսկոպոսը, հայր Մայքլ Մուրը, Դեյվիդ Հարտինգ վարդապետը և պաշտոնական այլ անձնավորություններ:

Ընդունելության ժամանակ երկու հովվապետները փոխանակեցին ողջույնի ու բարիգալատյան խոսքեր և հուշանվերներ:

ՀԱՅՐԱՊԵՏԱԿԱՆ ՀԱՆԴԻՍԱՎՈՐ ՊԱՏԱՐԱԳ ԵՎ ՔԱՐՈՋ
ԼՈՆԴՈՆԻ ՀԱՅՈՑ Ս. ՊԵՏՐՈՍ ԵԿԵՂԵՑՈՒՄ

Հունիսի 11-ին, կիրակի օրը, Հայոց Հայրապետը ա. պատարագ մատուցեց Լոնդոնի հայոց ս. Պետրոս եկեղեցում:

Տաճարը լիքն էր հայ հավատացյալներով: Հայկական սուրբ պատարագին ներկա էին նաև Քեմթրթերիի արքեպիսկոպոսի ներկայացուցիչները՝ տ. Ռոնալդ Գուդչայլդ եպիսկոպոսը, Լոնդոնի հույն օրթոդոքս եկեղեցու կողմից՝ տ. Տիմոթեոս եպիսկոպոսը, ռուս պրավոսլավ եկեղեցու կողմից՝ տ. Պիտիրիմ արքեպիսկոպոսը, ինչպես նաև Քեմզիմգթոնի քաղաքապետ պրն. Մուլթրի Գրուֆթոնը:

«Հայր մեր»-ից առաջ Հայոց Հայրապետը արտասանեց մի ոգեշունչ քարոզ Լոնդոնի հայ համայնքին տված հովվապետական Իր սույն այցելության նորախ առիթով՝ բաշխելով Իր ողջույններն ու օրհնությունները: Ապա ողջույնի սրտագին խոսք ուղղեց տաճարում ներկա քույր եկեղեցիների բարձրաստիճան հոգևոր ներկայացուցիչներին, որոնք եկել էին բաժանելու այդ օրը Լոնդոնի հայության հոգևոր ուրախությունը, ինչպես նաև քաղաքային իշխանությանց ներկայացուցիչներին, որոնք եկել էին մեծարելու և պատվելու Հայոց Հայրապետին:

Հավարտ ա. պատարագի լոնդոնահայ համայնքը «Նվարդ Կյուլպենկյան» դահլիճում ճաշկերույթով պատվեց Հայոց Հայրապետին, քույր եկեղեցիների և քաղաքային իշխանությանց բարձրաստիճան ներկայացուցիչներին:

Ընդունելության ժամանակ, որին ներկա էին նաև լոնդոնահայ համայնքի ներկայացուցիչներ, ճառեր փոխանակեցին Հայոց Հայրապետը, տ. Ռոնալդ Գուդչայլդ եպիսկոպոսը և տ. Ներսես եպիսկոպոսը:

ՀԱՆԴԻՊՈՒՄ ԼՈՆԴՈՆԱՀԱՅ ԵՐԻՏԱՍԱՐԴՈՒԹՅԱՆ ՀԵՏ

Նույն օրը, երեկոյան ժամը 18.30-ին, Հայոց Հայրապետը «Նվարդ Կյուլպենկյան» դահլիճում հանդիպում ունեցավ լոնդոնահայ երիտասարդության հետ:

Զափազանց հուզիչ էր պահը, երբ հայ երիտասարդները սիրով և հարգանքով լի, բարի ծախտներով դիմավորեցին Հայոց Հայրապետին՝ հայտնելով իրենց հոգեկան խորունկ ուրախությունը, որ Նորին Սրբությունը Իր այնքան ծանրաբեռնված այցելության ծրագրի մեջ առաջին իսկ առիթով պատենություն էր ստեղծել հանդիպելու Իր երիտասարդ հոգևոր զավակներին՝ մի պահ ապրելու համար նրանց ուրախություններով և բաժանելու համար միաժամանակ նրանց մտահոգությունները, որոնք թելադրված են սիյուտքի ծանր պայմաններում հայ ապրելու և հայ մնալու վճռականությամբ:

Այդ մտահոգությունների և ցանկությունների պերճախոս վկայությունն էր, հանուն լոնդոնահայ երիտասարդների, օրիորդ Քյոշկերյանի՝ Վեհափառ Հայրապետին ուղղված հետևյալ ուղերձը.

«Վեհափառ Հայրապետ,

Հայ երիտասարդաց միության վարչության և անոր երիտասարդ անդամներու անունով կուգամ համբուրել Ձեր սուրբ Աջը և ողջույնի ջերմ խոսքերովս Ձեզի մաղթել բարի գալուստ:

Ձեր եկեղեցական ու ազգային շինարար աշխատանքը բախտը տվավ մեզի ևս, մոտեն տեսնելու Ձեր սուրբ անձը, ոգևորվելու և խանդավառվելու Ձեր ազգօգուտ և եկեղեցանվեր գործունեություններում շարանեն: Ու նույն այդ բարի ոգիեն ներշնչված՝ մենք ևս լծված ենք մեր ազգին ու եկեղեցիին համար անշահախնդրորեն ծառայելու աշխատանքին:

Այս ոգիով առաջնորդված, Հայ երիտասարդաց միությունը, Լոնդոնի

համայնակույ ու դժվարին պայմաններում մեջ իսկ, գիտակից քայլերով կաշխատի հայ ափյուրքի գոյատևման պայքարին բերելու իր լուսման:

Եթե մեր միությունը չի կազմակերպեր գրական ու մշակութային ձեռնարկներ, զանազ ձգելով ավելի ձեռնհաս միություններու, կկազմակերպեն սակայն ընկերային հավաքություններ՝ միշտ ալ հայ ցեղին հատուկ բարոյական ըմբռնումի պարկեշտ մակարդակի վրա: Կկազմակերպենք մարզական հավաքություններ, ակումբային պտույտներ, ինչպես նաև ասուլիսներ, ուր հայ ազգին դարավոր բարքերն ու ավանդությունները գործնականապես կփոխանցենք օտար ափերու վրա ծնած ու հասակ առած մեր նոր սերունդին:

Ծավալի է, որ լեզվական որոշ տեղատվություններ արձանագրվեցան լոնդոնահայ երիտասարդներու մեջ, սակայն մեր ոգին ո՛չ մեկ պարտություն չէ կրած ցարդ: Մեր սիրտերը նույնքան ջերմորեն կբաքախեն մեր մայր հայրենիքին ու մեր հավատքի կեդրոն սուրբ Էջմիածնի համար, որքան ունէ հայու սիրտը երբևիցե բաքախած ըլլա:

Որքան ուրախ և հպարտ ենք, որ մեր ազնվական Վեհափառ Հայրապետը ընդունեց լսել Հայ երիտասարդաց այս միության բարի գալուստի և բարի մաղթանքներու խոսքը: Եվ ես անձնապես որքան երջանիկ եմ, որ ինձի տրվեցավ բացառիկ այս բախտը, թարգմանը հանդիսանալու հավատավոր մեր երիտասարդության զգացումներուն:

Վեհափառ Հայր, բարի եկած եք Լոնդոն:

Թող Ձեր բոլոր ծրագիրները իրականանան առանց դժվարությանց:

Երկար ու առողջ ապրի Հայոց Հայրապետը»:

ՀԱՄԱՅՆՔԱՅԻՆ ԾԱՇԿԵՐՈՒՅԹ Ի ՊԱՏԻՎ ՀԱՅՈՑ ՀԱՅՐԱՊԵՏԻ

Նույն օրը, ժամը 20-ին, «Ռոյալ Գարդըն» հյուրանոցում տեղի ունեցավ համայնքային մեծ ճաշկերույթ՝ ի պատիվ Հայոց Հայրապետի:

Սույն ընդունելություն-ճաշկերույթը կազմակերպվել էր ս. Սարգիս եկեղեցու խնամակալության և ս. Պետրոս եկեղեցու համայնքային խորհրդի կողմից:

Ընդունելության սեղանը ղեկավարում էր լոնդոնահայ ծանոթ մտավորական Առատուր Կյուզելյանը:

Ընդունելության ընթացքում Հայոց Հայրապետին ուղղված ողջույնի սրտագին խոսքեր ասացին Լոնդոնի հայոց հոգևոր առաջնորդ տ. Ներսես եպիսկոպոսը, ս. Սարգիս եկեղեցու խնամակալության պատվո նախագահ և Մայր Աթոռի բարերար Սարգիս Քյուրքճյանը, լոնդոնահայ համայնքային և եկեղեցական խորհրդի նախագահ Հայկ Աբաջյանը, ծանոթ ազգային Գևորգ Թաթևյան, Հ. Բ. Ը. Միության Լոնդոնի մասնաճյուղի անունից՝ Կարո Գրիգորյանը, լոնդոնահայ մի շարք ազգային կազմակերպությունների անունից՝ Անդրանիկ Ծուլիքյանը, Ալֆրեդ Կրասկյանը, Հարություն Այվազյանը, Նորայր Խոլոպյանը, Գևորգ Չորպաճյանը, տիկին Ռիտա Չարչյանը («Անահիտ» տիկնանց միություն), Հակոբ Մանուկյանը, Ժիրայր Ազիզյանը և ուրիշներ:

Հանդիսության ոգևորությունը իրենց երգերով, արտասանություններով և նվագով ավելացնում էին ափյուրքահայ ծանոթ երգիչ-արվեստագետ Խաչատուր Փիլիկյանը, ասմունքող Սոնիկ Չափղազյանը, դաշնակահարուհի

Նարինե Հարությունյանը, երաժիշտ-կոմպոզիտոր Լորիս Շահապուրյանը, Հայկազ Ռշտունին և ուրիշներ:

Հնդումեղությունն անցավ ջերմ ու հայրենասիրական մթնոլորտում: Այս առթիվ Հայոց Հայրապետը ս. Գրիգոր Լուսավորչի Ա կարգի շքանշաններով զարդարեց կրծքերը տիար Հայկ Գալուստյանի և տիար Թովմաս Թովմասյանի, իրանահայ երկու նախկին պատվական ազգայիններ, որոնք դարձել են գործուն մասնակիցները լոնդոնահայ համայնքի եկեղեցական, կրթական և մշակութային կյանքի՝ իրենց արտեռանդն բարերարություններով:

Հայրապետական սույն բարձր գնահատությունը արտագին և խանդավառ ծափողջույններով դիմավորվեց բոլոր ներկաների կողմից՝ որպես «հարկա հարկավորաց և պատիվս արժանավորաց»:

Համայնքային այս ճաշկերույթն ավարտվեց Հայոց Հայրապետի օրհնությամբ և գնահատության խոսքով:

ԱՅՑԵԼՈՒԹՅՈՒՆ ԼՈՐԴԵՐԻ ՊԱԼԱՏ

Հունիսի 12-ին, երկուշաբթի օրը, առավոտյան ժամը 11-ին, Վեհափառ Հայրապետը նախ այցելեց անգլիկան եկեղեցու հրատարակությանց խմբագրություն, որը կոչվում է «Քրիստոնեական գիտության տարածման ընկերություն»:

Հայոց Հայրապետի և սույն ընկերության ղեկավար բարձրաստիճանի անձնավորությունների միջև տեղի ունեցավ հետաքրքիր զրույց ընկերության գործունեության մասին՝ ի նկատար քրիստոնեական մշակույթի տարածման ողջ աշխարհում:

Հանդիպումից հետո տեղի ունեցավ հյուրասիրություն և հուշանվերների փոխանակում:

Նույն օրը, ժամը 12.30-ին, Վեհափառ Հայրապետը պաշտոնական այցելություն տվեց Լորդերի պալատ, որտեղ Նորին Սրբությանը ողջունեց և բարի գալուստ մաղթեց Լորդերի պալատի տ. Ռոբերտ Ռանսի եպիսկոպոսը, որը Հայոց Հայրապետին ծանոթացրեց Լորդերի պալատի հարկաբաժիններին:

Ժամը 14.30-ին, ի պատիվ Հայոց Հայրապետի, Լորդերի պալատի եպիսկոպոսը և Լորդերի պալատի նախագահը կազմակերպեցին ճաշկերույթ, որից հետո Լորդերի պալատի նախագահը հրավիրեց Հայոց Հայրապետին ներկա լինելու Լորդերի պալատի միստին:

ԱՅՑԵԼՈՒԹՅՈՒՆ ԼՈՐԴՈՆԻ Ս. ՊՈՂՈՍ ԱՆԳԼԻԿԱՆ ՏԱԾԱՐ

Նույն օրը, երեկոյան ժամը 16-ին, Լոնդոնի եպիսկոպոս Ջերալդ Էլիսոնը ս. Պողոս տաճարի շքամուտքի առաջ եկեղեցական թափորով դիմավորեց Հայոց Հայրապետին և Նրա շքախմբի անդամներին ու նրանց առաջնորդեց տաճարից ներս, ուր տեղի ունեցավ երեկոյան ժամերգություն:

Այնուհետև տաճարի լուսարարապետը, խոսք առնելով, ներկաներին հայտնեց այն մասին, որ Ամենայն Հայոց Հայրապետը հյուրն է անգլիկան եկեղեցու: Ապա Լոնդոնի սրբազան եպիսկոպոսը անձամբ հրավիրեց Հայոց Հայրապետին այցելել տաճարի զանազան մասեր և ծանոթանալ տաճարի պատմությանն ու նրա ճարտարապետական կառուցվածքին:

Ժամը 16.40-ին Լոնդոնի եպիսկոպոսը թեյասեղանով պատվեց Հայոց Հայրապետին ու Նրա շքախմբի անդամներին և ապա նրանց առաջնորդեց Նիկիական ակումբ, ուր ժամը 17-ին Հայոց Հայրապետի պատվին կազմակերպվել էր մեծ ընդունելություն:



Հայոց Հայրապետը Լոնդոնում, անգլիական եկեղեցու «Քրիստոնեական գիտության տարածման ընկերության» խմբագրությունում

ՀԱՅՈՑ ՀԱՅՐԱՊԵՏԸ ՆԻԿԻԱԿԱՆ ԱԿՈՒՄԲՈՒՄ

Հայոց Հայրապետի պատվին սույն ընդունելությունը Քենթրբերիի արքեպիսկոպոսի անունից կազմակերպել էր Լոնդոնի Ջերալդ Էլիսոն եպիսկոպոսը:

Այս առթիվ Հայոց Հայրապետին ընկերակցում էին տ. Պսակ, տ. Արսեն, տ. Ներսես սրբազանները, տ. Տիրան վարդապետը, պրն. Սարգիս Քյուրքճյանը և Գևորգ ու Հովհաննես Քյուրքճյան եղբայրները:

Լոնդոնի եպիսկոպոսի կողմից Հայոց Հայրապետի պատվին տրված այս ճաշկերությանը ներկա էին նաև անգլիական եկեղեցու ականավոր բարձրաստիճան հոգևորականներ, ինչպես նաև պետական պատասխանատու անձնավորություններ:

Ծաշկերության անցավ Էկումենիկ ոգով և խանդավառ մթնոլորտում:

Լոնդոնի եպիսկոպոսը, որ 1976 թվականի աշնանը Մայր Աթոռում Քենթրբերիի արքեպիսկոպոսի հետ Հայոց Հայրապետի հրավերով ներկա էր եղել սրբալույս մեռողի օրհնության և Հայոց Հայրապետի գահակալության 20-ամյակի հանդիսություններին, իր անմոռաց տպավորությունները հաղորդեց ներկաներին սուրբ Էջմիածնում այդ առթիվ կազմակերպված

եկեղեցական արարողությունների և այլ հանդիսությունների մասին՝ բացառիկ ջերմ արտահայտություններ ունենալով նաև հայ ժողովրդի կենդանի հավատքի և Հայոց Հայրապետի անձնավորության մասին, որպես մեր օրերի քրիստոնեական եկեղեցու մեծ հոգևոր առաջնորդներից մեկի:

Ընդունելության ժամանակ պատասխան ճառով հանդես եկավ Հայոց Հայրապետը՝ Իր շնորհակալությունը հայտնելով Լոնդոնի եպիսկոպոսին այս ջերմ, եղբայրական ընդունելության համար՝ շեշտելով հայ և անգլիկական քույր եկեղեցիների սերտ համագործակցությունը Էկումենիկ ոգով՝ ի նպաստ քրիստոնեական եկեղեցիների ի Գրիստոս սիրո միության, աշխարհի խաղաղության և ժողովուրդների համերաշխության և բարեկամության:

Նիկիական ակումբում կազմակերպված սույն ընդունելությունը մի փառավոր էջ ևս ավելացրեց հայ և անգլիկական եկեղեցիների դարավոր բարեկամության պատմության վրա:

ԱՅՑԵԼՈՒԹՅՈՒՆ ԱՆԳԼԻԿԱՆ ԵԿԵՂԵՑՈՒ ՍԻՆՈՂԻՆ

Հունիսի 13-ին, երեքշաբթի օրը, ժամը 12.30-ին, Հայոց Հայրապետը Իր շքախմբի անդամներով այցելություն տվեց անգլիկական եկեղեցու սուրբ Սինոդին («Հաուս օֆ չըրչս»):

Սինոդի շենքում Հայոց Հայրապետը հանդիպում ունեցավ Սինոդի քարտուղարության պատասխանատու անդամների հետ և նրանց առաջնորդությամբ ծանոթացավ Սինոդի շենքի զանազան հարկաբաժիններին և այնտեղ կատարվող աշխատանքներին:

Ժամը 13-ին Սինոդի քարտուղարությունը, ի պատիվ Հայոց Հայրապետի, տվեց ճաշկերույթ, որի ընթացքում ճառեր փոխանակեցին Վեհափառ Հայրապետը և Սինոդի գլխավոր քարտուղար դոկտ. Դերեկ Փաթթինսոնը:


ԲԱՑՈՒՄ ԼՈՆԴՈՆԻ «ՀԱՅ ԵՐԱԺՇՏԱԿԱՆ ԻՆՍՏԻՏՈՒՏ»-Ի ՎԱՐՉԱԿԱՆ ԿԵՆՏՐՈՆԻ

Հունիսի 13-ին, երեկոյան ժամը 18-ին, Հայոց Հայրապետի նախագահությամբ և հանդիսավոր իրադրության մեջ, հայ և օտար արվեստագետների, մտավորականների և խումբ բազմության ներկայությամբ, կատարվեց պաշտոնական բացումը Լոնդոնի հայոց «Հայ երաժշտական ինստիտուտ»-ի վարչական կենտրոնի, որը գտնվում է Լոնդոնի կենտրոնական լավագույն շրջաններից մեկի՝ Բենգինգթոնի մեջ: Այն չորս հարկանի մի գեղեցիկ կառույց է:

Հայկական երաժշտական սույն ինստիտուտի հիմնադրումը հայ ժողովուրդը պարտական է տաղանդավոր երաժիշտ-կոմպոզիտոր, պարսկահայ, այժմ լոնդոնաբնակ Լորիս Շվենգելյանի և նրա գաղափարակից ու գործակից ընկերների անկոտրում հավատքի և անսպառ եռանդի:

Սույն կենտրոնի հիմնական նպատակն է՝ հայ հոգևոր և դասական երաժշտական արվեստի պրոպագանդումն ու տարածումը Անգլիայում և Արևմտյան Եվրոպայի լայն շրջանակներում: Ամենայն մասամբ այս ինստիտուտը արժանի է երաժշտասեր հայ ժողովրդի բարոյական և նյութական քաջակերության:

Դեռևս անցյալ տարվա փետրվարին, երբ Լորիս Շվենգելյանն ուխտավորաբար գտնվում էր Մայր Աթոռում, Հայոց Հայրապետը ծանոթացավ



Ս. ԱԼԲԱՆԻ ՄԱՅՐ ՏԱԺԱՐ. ԱՆԳԼԻԱ

սույն ինստիտուտի ապագա ծրագրերին և հանձն առավ նրա պատվո հովանավորությունը և իր հայրապետական օրհնությունը տվեց 20 փետրվար 1977 թվակիր սրբատառ իր կոնդակով:

Այդ զգացումներով է, որ Հայոց Հայրապետը բարեհաճեց Լոնդոն տված իր այցելության օրերին անձամբ կատարել ինստիտուտի շենքի պաշտոնական բացումը՝ բերելով իր օրհնությունն ու բարեմաղթությունը գործի գլուխ կանգնած մի խումբ խանդավառ երաժշտաներ հայ երիտասարդների, որոնք սիրում են հայ երգարվեստը և աշխատում են այն ծանոթացնել հայ շրջանակներից դուրս:

«Հայ երաժշտական ինստիտուտ»-ի շենքը ձեռք է բերվել շնորհիվ պարսկահայ ծանոթ բարերար պրն. Թովմաս Թովմասյանի և այլ պարսկահայ արվեստաներ ազգայինների նյութական և բարոյական քաջալերանքի:

Բացման արարողության ավարտին Հայոց Հայրապետը իր բարձր գնահատանքին և օրհնությանը արժանացնելով երաժշտագետ պրն. Լորիս Մզմավորյանի վաստակը՝ նրա կուրծքը զարդարեց իր իսկ նախաձեռնությամբ վերջերս Մայր Աթոռում պատրաստված ոսկե մեդալով, որը կոչվում է «Ս. Սահակ—ս. Մեսրոպ» շքանշան:

Սույն շքանշանը Վեհափառ Հայրապետի կողմից սահմանված է շնորհվելու հայ մշակույթին նվիրված վաստակաշատ գործիչներին՝ ի նշան և ի գնահատումն նրանց բազմամյա մշակութային ծառայությունների:

Երաժիշտ-կոմպոզիտոր Լորիս Մզմավորյանն էր, որ առաջինը արժանացավ վերոհիշյալ շքանշանով պարգևատրվելու պատվին:

«Հայ երաժշտական ինստիտուտ»-ի պաշտոնական բացումից հետո Վեհափառ Հայրապետն այցելեց ինստիտուտի շենքի տարբեր սենյակներ և որպես հիշատակ ինստիտուտի խնամակալությանը հանձնեց Մայր Աթոռում պատրաստված մարմարյա մի գեղեցիկ խաչքար:

Ավելի ուշ ինստիտուտի խնամակալությունը Հայոց Հայրապետին պատվեց մի մեծ ընդունելությամբ:

Այս առթիվ Լորիս Մզմավորյանը հանդես եկավ Վեհափառ Հայրապետին ողջյալ երախտագիտական ջերմ խոսքով՝ գեկուցելով նաև ինստիտուտի հիմնադրման և նրա ապագա գործունեության ծրագրերի մասին:

ԱՅՑԵԼՈՒԹՅՈՒՆ ԼՈՆԴՈՆԻ ՍՈՎԵՏԱԿԱՆ ԴԵՍՊԱՆԱՏՈՒՆ

Հունիսի 15-ին, հինգշաբթի օրը, առավոտյան ժամը 10-ին, Վեհափառ Հայրապետը, ընկերակցությամբ տ. Արսեն, տ. Ներսես եպիսկոպոսների և տ. Տիրան վարդապետի, քաղաքավարական այցելություն տվեց Մեծ Բրիտանիայում Սովետական Միության արտակարգ և լիազոր դեսպան Ն. Մ. Լունկովին:

Հայոց Հայրապետի և մեծահարգ պրն. դեսպանի միջև տեղի ունեցավ ջերմ զրույց:

ՀԱՅՈՑ ՀԱՅՐԱՊԵՏԸ ՍՈՒՐԲ ԱԼԲԱՆԻ ԵԿԵՂԵՑՈՒՄ


Նույն օրը, ժամը 16-ին, Վեհափառ Հայրապետը այցելություն տվեց Լոնդոնից դուրս գտնվող սուրբ Ալբանի եկեղեցի՝ ուղեկցությամբ տ. Արսեն, տ. Ներսես եպիսկոպոսների և տ. Տիրան վարդապետի:

Եկեղեցու մուտքի առաջ Հայոց Հայրապետին դիմավորեց և բարի գա-

լուստ մաղթեց ս. Ալքանի եկեղեցու և Լորդերի պալատի եպիսկոպոս դոկտ. Ռոբերտ Ռանսին, որը և առաջնորդեց Նորին Սրբությանը դեպի եկեղեցի, ուր Հայոց Հայրապետն արտասանեց մի կարճ աղոթք:

Այնուհետև տեղի ունեցավ հատուկ մի արարողություն սուրբ Ալքանի շիրմի մոտ:

Արարողության ավարտին Հայոց Հայրապետը առաջնորդվեց հյուրերի ընդունման դահլիճ, որտեղ տեղի ունեցավ ջերմ գրույց Նորին Սրբության և սուրբ Ալքանի վանքի միաբանության անդամների միջև:



Հայոց Հայրապետը Լոնդոնի ս. Պետրոս համայնքային եկեղեցու վարչական խորհրդի անդամների հետ

Այստեղ, հանուն տեղի փոքրաթիվ հայ համայնքի, Հայոց Հայրապետի այցելությունը հայերեն սրտառույշ մի ուղերձով ողջունեց Անահիտ Քինգը:

Հյուրասիրությունից և նվերների փոխանակությունից հետո Վեհափառ Հայրապետը լավագույն տպավորություններով հրաժեշտ տվեց սուրբ Ալքան վանքին և վերադարձավ Լոնդոն:

ԸՆԴՈՒՆԵԼՈՒԹՅՈՒՆ «ՎԱՀԱՆ ԹԵՔԵՅԱՆ ՄՇԱԿՈՒԹԱՅԻՆ ՄԻՈՒԹՅԱՆ» ԿՈՂՄԻՑ

Նույն օրը, ժամը 21-ին, «Նվարդ Կյուպենկյան» դահլիճում Լոնդոնի «Վահան Թեքեյան մշակութային միություն»-ը ընդունելություն էր կազմակերպել ի պատիվ Հայոց Հայրապետի:

Դահլիճի մուտքի առաջ Վեհափառ Հայրապետը ծափողջույններով դիմավորվեց «Վահան Թեքեյան մշակութային միության» վարչության անդամների և համակիրների կողմից և առաջնորդվեց դահլիճ:

Այս առթիվ գործադրության դրվեց գեղարվեստական մի ծրագիր:

Հանուն Միության վարչության և համակիրների, բարիգալստյան ջերմ խոսք ասաց Մանվել Քյոշկերյանը՝ համառոտակի ներկայացնելով նաև լոնդոնահայ կյանքում «Վահան Թեքեյան մշակութային միության» կատարած կրթական-մշակութային կարևոր դերը՝ Լոնդոնի «Հայ երաժշտական ինստիտուտ»-ի, Հ. Բ. Ը. Միության ազգային վարժարանների կողքին նաև 165 աշակերտներից բաղկացած նորահաստատ «Գևորգ Թաֆթա» վարժարանի կազմակերպման գործում բերած նրա օգտակար նպաստը:

Ընդունելության ավարտին Հայոց Հայրապետը տվեց իր պատգամը՝ թելադրելով անասան մնալ պատմեջի վրա, արթուն պահել հայ հոգին, անաղարտ՝ հավատարմությունը դեպի մեր հավատքի կենտրոն Մայր Աթոռ սուրբ Էջմիածինը և դեպի վերածնված մեր մայր հայրենիքը:

ՀԱՅՈՑ ՀԱՅՐԱՊԵՏԻ ՀԱՆԴԻՊՈՒՄԸ ԼՈՆԴՈՆԻ ՀԱՅՈՑ ՍՈՒՐԲ ՊԵՏՐՈՍ ԵԿԵՂԵՑՈՒ ՀԱՄԱՅՆՔԱՅԻՆ ԽՈՐՀՐԴԻ ԱՆԴԱՄՆԵՐԻ ՀԵՏ

Հունիսի 17-ին, շաբաթ օրը, առավոտյան ժամը 10.30-ին, Հայոց Հայրապետը հյուրանոցի իր հարկաբաժնում հանդիպում ունեցավ Լոնդոնի հայոց երկրորդ եկեղեցու՝ սուրբ Պետրոսի համայնքային խորհրդի անդամների հետ:

Այս առթիվ Հայոց Հայրապետը հանգամանորեն հետաքրքրվեց ս. Պետրոս եկեղեցու համայնքային-եկեղեցական կյանքով, ինչպես նաև կարևոր թելադրություններ արեց համայնքային կանոնադրության վերջնական խմբագրման առնչությամբ:

Ժամը 18.30-ին Վեհափառ Հայրապետը լոնդոնահայ ծանոթ ազգային և Մայր Աթոռի բարերար պրն. Գևորգ Թաֆթայի տանը բարեհաճեց օրհնել նրա սեղանի աղմ ու հացը:

ՀԱՅՈՑ ՀԱՅՐԱՊԵՏԸ Հ. Բ. Ը. ՄԻՈՒԹՅԱՆ ԼՈՆԴՈՆԻ ՄԱՍՆԱԾՑՈՒՂԻ ՀՅՈՒՐԸՆԿԱԼ ՀԱՐԿԻ ՏԱԿ

Նույն օրը, երեկոյան ժամը 19.30-ին, Լոնդոնի Հ. Բ. Ը. Միության մասնաճյուղը իր հարկի տակ սրտագին հյուրասիրությամբ պատվեց Հայոց Հայրապետին:

Հայոց Հայրապետի մուտքը սրահ ջերմորեն դիմավորվեց դահլիճում հավաքված բոլոր հրավիրյալների ուրախ և խանդավառ արտահայտություններով: Հայոց Հայրապետը տեղ գրավեց պատվո սեղանի շուրջ՝ շրջապատված սրբազաններով, վարդապետներով և լոնդոնահայ համայնքի ծանոթ ազգային դեմքերով:

Հայոց Հայրապետի օրհնաբեր ներկայությունը ողջունեց Հ. Բ. Ը. Միության Լոնդոնի մասնաճյուղի նախագահ և Մայր Աթոռի բարերար պրն. Հարություն Մութաֆյանը հետևյալ գեղեցիկ ուղերձով.

«Վեհափառ Տեր,

Մեծ պատիվ և անմախընթաց առանձնաշնորհ մըն է ինձի համար Ձեզ ողջունել ԲԱՐԵԳՈՐԾԱԿԱՆ-ի Լոնդոնի Մասնաճյուղին կողմե, ու մեր որդիական սերն ու ս. Էջմիածնի հանդեպ մեր անվերապահ հավատարմության զգացումները ներկայացնել այստեղ այս հանդիսավոր պահուն: Ապա կփափաքիմք Ձեզ տեղյակ պահել այն աշխատանքներում մասին, որոնք

կկատարվին իր կողմե մեր մշակույթին, ազգային ինքնության և ավանդությանը պահպանման համար:

Վեհափառ Տեր, քսաներեք տարիներ առաջ հայ ժողովուրդը հաստատ համոզումով և խորունկ հավատքով Ձեզ կոչեց Ձեր բարձր պաշտոնին, և Դուք այնքան հիմնավորեցիք արդարացուցիչ ազգովին Ձեր վրա դրված հույսերը՝ դառնալով մեր ժամանակներու ամենամեծ կաթողիկոսներեն մին: Ս. Էջմիածինը նախքան Ձեր ընտրությունը քիչերու կողմե միայն լաված անուն մը, այսօր, այսինքն Ձեր ընտրութենեն հետո, միջազգային և միջեկեղեցական առումով դարձած է հանրաժանութ և ամենուն կողմե հարգված անուն մը: Իսկ ազգային և եկեղեցական տեսակետեն՝ Ձեր ընտրությամբ ս. Էջմիածինը ոչ միայն պայծառացավ ու շենցավ, այլ նաև կարելիություններ ստեղծեց, որպեսզի իր զավակները հայրենիք և ս. Էջմիածին ուխտի գալով ներշնչվին հայկականությամբ և ամրապնդեն իրենց կապը մայր երկրի իրենց եղբայրներուն հետ: Այդ երջանիկ հարաբերության ոսկի կամուրջը հանդիսացավ Ձեր բարձր և ազնիվ անձնավորությունը: Հպարտ ենք Ձեզմով, Վեհափառ Տեր, ու Ձեր անունը ոսկի տառերով պիտի արձանագրվի մեր պատմության մեջ:

Լոնդոնի մեջ ԲԱՐԵԳՈՐԾԱԿԱՆ-ը առաջին անգամն է, որ Ձերո Սուրբ Օծությունը կհյուրընկալե, ու մենք երջանիկ ենք այսօր արժանացած ըլլալով Ձեր հյուրընկալը ըլլալու մեծ պատվին:

Իբրև փոքր համայնք մը լրջորեն կգիտակցինք մեր սուրճ գտնվող բազմազան հարցերու գոյության, որոնց լուծումը անհրաժեշտորեն պետք է գտնվի, եթե կփափաքինք վերապրիլ իբրև ազգային արժեքավոր ամբողջականություն մը: Կխորհիմ, որ մեր գաղութը բախտավոր է, որ եկեղեցին հետո ունի նաև ԲԱՐԵԳՈՐԾԱԿԱՆ-ի նման կազմակերպություն մը, որ գլուխ պիտի կանգնի այդ խնդիրները լուծելու ծանր աշխատանքին՝ դժվարին ժամանակներու մեջ:

ԲԱՐԵԳՈՐԾԱԿԱՆ-ը աճող և տևալեա հառաջդիմող ուժ մըն է ի խրճիթի և ի գործադրություն այն բազմաթիվ պարտականությանց, որոնք մեր առջև կան հայ ժողովուրդի բարվույն համար՝ աշխարհի որ կողմն ալ գտնվի ան:

Մեր եկեղեցին, որ կեդրոնական սյունն է և պահպանը մեր ազգային միության և արժեքներու, միշտ կրնա վստահիլ ԲԱՐԵԳՈՐԾԱԿԱՆ-ի անվերապահ բարոյական օժանդակության և համագործակցության Անգլիո մեջ թե այլուր:

Ուրախ եմ ըսելու, որ մեր վերջին չորս տարիներու վճռակամ և նվիրյալ աշխատանքը սկսած է արդեն իր պտուղը տալ: Զոր օրինակ, քացի կրթաթոշակներ տալե արժանավոր ուսանողներու,—որոնց շարքին անգլիական աստվածաբանական հաստատություններու մեջ ուսանող քանի մը հոգևորականներ սուրբ Էջմիածնեն,—մեր Սահակ-Մեսրոպ վարժարանը հայերենի դասընթացքներ կազմակերպած է տասը տարիներե ի վեր մեծ հաջողությամբ. ու ասով քաջալերված՝ ներկայիս կջանանք այս աշխատանքը ավելի ընդարձակել ոչ միայն երթևեկը ապահովելով դասի եկող փոքրիկներուն, այլ նաև դասարաններ բանալ մերձակայքը այն վայրերուն, որ մեր ժողովուրդը կապրի: Գիտենք, որ ասիկա վերջին լուծումը չէ մեզ մոտանցող խնդրույն. ուշ կամ կանուխ, պիտի ստիպվինք անգլո-հայ ամենօրյա վարժարան մը բանալ: Այս հարցը միշտ մեր միտքին մեջ է ու մեր

աշխատանքի ներկա փորձառական շրջանը ապագային մեզ պիտի առաջ-
նորդե այդ ճիշտ որոշումին:

Վեհափառ Տեր, մեծ ճիգ կթափենք ավելցնելու համար մեր անդամնե-
րուն թիվը, թափանցելով մեր համայնքին բոլոր խավերը, այս կերպով մեր
շուրջը համախմբելու համար բոլոր անոնք, որոնք համամիտ են մեզի ու
պատրաստ՝ մեզի միանալու, հետաքրքրություն ստեղծելու համար դեպի
մեր ժառանգությունը, մշակույթն ու ազգային ինքնությունը:

Այս դժվարին պարտականությունը հանձն առած է շատ կարող եմ-
թահանձնախումբ մը՝ վերջերս նշանակված: ԲԱՐԵԳՈՐԾԱԿԱՆ-ի անդամ-
ներուն թիվը, որ քանի մը տարի առաջ 120 հոգի էր միայն, ներկայիս այդ
թիվին երեք անգամն է ան ու վստահ ենք, որ այս թիվը շուտով պիտի
կրկնապատկվի ըլլալու համար 600: Այս թիվին վրա ավելցնելով համա-
կիրներու թիվը՝ կունենանք պատկառելի թիվ մը անդամներու և համակիր-
ներու:

Այս կերպով և՛ մեր Տիկնանց օժանդակ հանձնախումբին, և՛ Մշակութա-
յին հանձնախումբին կողմէ կազմակերպված ձեռնարկներուն շնորհիվ, ըն-
կերային, մշակութային և գեղարվեստական մարզերու մեջ, ԲԱՐԵԳՈՐԾԱ-
կան-ի Լոնդոնի մասնաճյուղը կհուսա շոշափելի և կարևոր նպաստ մը քե-
րել հայ կյանքի բարգավաճման համար Լոնդոնի մեջ:

Տիարք և Տիկնայք, պատիվն ունիմ բաժակ առաջարկելու և կիսնդրեմ,
որ լեցնեք Ձեր բաժակները և հոտընկայա խմեք Նորին Սուրբ Օծություն Տեր
Տեր Վազգեն Առաջին Ամենայն Հայոց կաթողիկոսին արևշատության,
առողջության և երջանկության համար»:

Հայոց Հայրապետի ներկայությունը ողջունեց նաև, հանուն Հ. Բ. Ը.
Միության Լոնդոնի մասնաճյուղի օժանդակ տիկնանց մարմնի, Սևան Գրի-
գորյանը սրտագին բարեմաղթություններով և որդիական անկեղծ զգացում-
ներով:

Ընդունելության ժամանակ Հայոց Հայրապետի շնորհաբեր ներկայու-
թյունը ողջունեցին նաև տ. Ներսես եպիսկոպոսը, պր. պր. Արթին Գալայճ-
յանը և Կարպիս Եսայանը:

Ընդունելության ընթացքում գործադրության դրվեց երգերից և հայրե-
նաշունչ արտասանություններից կազմված ամփոփ մի գեղարվեստական
ծրագիր, որը կրկնապատկեց օրվա հանդիսության ուրախությունն ու խան-
դավատությունը:

Ընդունելության ավարտին հանդես եկավ Հայոց Հայրապետը օրհնու-
թյան խոսքով և պատգամով, մի անգամ ևս վեր հանեց Հ. Բ. Ը. Միության
կատարած նախախնամական առաքելությունը մանավանդ սփյուռքի կյան-
քի պայմաններում, եկեղեցասիրական, հայրենասիրական, կրթական, մշա-
կութային բնագավառներում:

Այս առթիվ Հայոց Հայրապետը սուրբ Գրիգոր Լուսավորչի Ա կարգի
սոփամանակուտ շքանշաններով զարդարեց կրծքերը լոնդոնահայ ծանոթ
երկու պատվական ազգայինների՝ պր. պր. Հարություն Մութաֆյանի և Ար-
թին Գալայճյանի:

ՀԱՆԴԻՍԱՎՈՐ ՍՈՒՐԲ ՊԱՏԱՐԱԳ ԵՎ ՀԱՅՐԱՊԵՏԱԿԱՆ ՔԱՐՈՉ ԼՈՆԴՈՆԻ ՀԱՅՈՑ ՍՈՒՐԲ ՍԱՐԳԻՍ ԵԿԵՂԵՑՈՒՄ

Հունիսի 18-ին, կիրակի օրը, Լոնդոնի հայոց ս. Սարգիս եկեղեցում պատարագեց տ. Արսեն եպիսկոպոս Բերբերյանը և «Հայր մեր»-ից առաջ քարոզեց Վեհափառ Հայրապետը՝ Իր ուրախությունն ու գնահատանքը հայտնելով Լոնդոն այցելության առիթով համայնքից ստացած Իր լավագույն տպավորությունների մասին, որոնք Նրա հայրական սիրտը լցնում էին ազգային հպարտության զգացումներով ի տես լոնդոնահայության եկեղեցասիրական, բարեսիրական, մշակութային և կրթական խոստումնալից ու բարգավաճ կյանքի, համայնք, որը միշտ կենդանի է պահում իր որդիական հավատարմությունը, սերն ու պաշտամունքը դեպի լուսո խորան Մայր Աթոռ ս. Էջմիածինը և Հայոց վերածնված աշխարհը:

Հավարտ պատարագի ս. Սարգիս եկեղեցու խնամակալությունը ճաշկերույթ տվեց ի պատիվ Հայոց Հայրապետի:

Երեկոյան Նորին Սրբությունը հյուրանոցի Իր հարկաբաժնում հանդիպում ունեցավ Մայր Աթոռ ս. Էջմիածնի Աթոռային կոնակի խնամակալության անդամների հետ, որոնք ընթերիքով պատվեցին Հայոց Հայրապետին:

ՀՐԱԺԵԾՏԻ ԸՆԴՈՒՆԵԼՈՒԹՅՈՒՆ Ի ՊԱՏԻՎ ՀԱՅՈՑ ՀԱՅՐԱՊԵՏԻ

Հայոց Հայրապետի՝ Լոնդոնի հայոց համայնքին տված հայրապետական այցելության օրերն անցան թեև արագ ու ծանրաբեռն, բայց ազգային-եկեղեցական կյանքի վերաբերյալ լավագույն հուշերով և տպավորություններով:


Հունիսի 19-ին, երկուշաբթի օրը, ս. Սարգիս և ս. Պետրոս եկեղեցիների վաչությունները «Քենզինգթոն-Հիլտոն» հյուրանոցում հրաժեշտի ընդունելություն կազմակերպեցին ի պատիվ Հայոց Հայրապետի: Ընդունելության ընթացքում Հայոց Հայրապետին ուղղված ողջերթի սրտագին խոսքեր արտասանվեցին՝ երախտագիտության և որդիական հավատարմության անկեղծ զգացումներով:

Հանում ս. Սարգիս և ս. Պետրոս եկեղեցիների եկեղեցական խորհուրդների, Հայոց Հայրապետին ընծայվեցին նվերներ ի հիշատակ Նորին Աթոռային աշխատանքի այցելության Լոնդոն:

Ողջերթի սույն ընդունելության ավարտին Հայոց Հայրապետը, խոսք առնելով, բաշխեց Իր օրհնությունները՝ թեկադրելով ողջ լոնդոնահայությանը համախմբվել ս. Սարգիս և ս. Պետրոս եկեղեցիների շուրջը և շարունակել իրենց համագործակցությունը եկեղեցական վարչությունների հետ ի պսլծառություն լոնդոնահայ եկեղեցական, մշակութային և կրթական կյանքի և ի մխիթարություն Իր հայրապետական սրտի:

ՀԱՅՈՑ ՀԱՅՐԱՊԵՏԸ ՀՐԱԺԵԾՏ Է ՏԱԼԻՍ ԼՈՆԴՈՆԱՀԱՅՈՒԹՅԱՆԸ

Հունիսի 20-ին, երեքշաբթի օրը, առավոտյան ժամը 10-ին, Վեհափառ Հայրապետը հրաժեշտ տալով Լոնդոնի հայոց համայնքին՝ մեկնեց Ժընև: Նորին Սրբությունը, մեկնելուց առաջ, առաջնորդվեց ս. Սարգիս եկեղեցի,



ԵՐԳԱՀԱՆ ԱՐԱՄ ԽԱՉԱՏՐԾԱՆ

(Գործ՝ Էդվարդ Միլասյանի, Լոնդոն)

նոր կատարվեց գոհաբանական մաղթանք բարեհաջող ուղևորության համար դեպի Ժընև, և ապա ուղևորվեց դեպի օդանավակայան:

Այստեղ Հայոց Հայրապետին բարի ճանապարհ մաղթեցին Լոնդոնի հայոց հոգևոր ստաշևորդ տ. Ներսես եպիսկոպոսը, տ. Պասկ արքեպիսկոպոս Թումայանը, տ. Վիգեն, տ. Հայկազուն վարդապետները, համայնքային և եկեղեցական խորհուրդների անդամները և հայ հավատացյալների մի մեծ բազմություն:

Օդանավակայանում Հայոց Հայրապետին ճանապարհեց նաև, հանուն Քենթրբերիի արքեպիսկոպոսի, արքեպիսկոպոսարանի արտաքին հարաբերությունների բաժնի վարիչ հայր Մայքլ Մուրը:

ՆՎԻՐԱՏՎՈՒԹՅՈՒՆՆԵՐ ՄԱՅՐ ԱԹՈՌԻՆ

Վեհափառ Հայրապետի տասնմեկերորդ արտասահման ուղևորության առթիվ սուրբ Էջմիածնի պաշտոության համար դրամական կարևոր նվիրատվություններ կատարեցին հետևյալ բարեպաշտ ազգայինները՝

- Տիարք՝ ա) Սարգիս Քյուրքչյան (Լոնդոն).
- բ) Հարություն Մութաֆյան (Լոնդոն).
- գ) Ա. Թովմասյան (Լոնդոն).
- դ) Նուրհան Ֆրենկյան (Փարիզ).
- ե) Հակոբ Թոփալյան (Իտալիա).
- զ) Տիգրան Իզմիրլյան (Ժընև).
- է) Մարի-Զավեն Մանիկյան (Իտալիա).
- ը) Ստեփան Զարդարյան (Մանչեստր).
- թ) Ժիրայր Մանասյան (Փարիզ).
- ժ) Լևոն Քեշիշյան (Նյու Յորք).
- ժա) Օրիորդ Ժանետ Պալի (Ժընև):

Մայր Սթոուը երախտագետ զգացումներով արձանագրում է այս նվիրատվությունները, որոնք անմոռաց կմնան սուրբ Էջմիածնի տարեգրությանը մեջ:

«Երանի՜ եկեղեցի շինողաց»:

